

Preassadieđáhus 10.10.2012

Oažžu almmustahttit dalán

Sámenuorat Suomas -seminára 10.10.2012 Riikkabeaivvit, Pikkuparlamenti

Sámedikki nuoraidráđđi ja Suoma Sámi Nuorat ro lágidedje Helssegis seminára sámenuoraid dáládilis ja boahttevuodas Suomas.

Semináras sámenuorat bukte ovdan sidjiide áigeuovdilis ja dehálaš áššiid. Árbevirolaš ealáhusaid dáládilli, eatnigiela mearkašupmi, sámi oahppoplána dehálašvuolta ja olgosápmelašvuolta ledje guovddáš áššit, maid nuorat bukte ságaineaset ovdan.

Sámenuoraid oainnuid lassin seminárai ledje bovdejuvvon buot riikkabeivviin čohkkájeaddji bellodagaid ovddasteaddjit panelaságastallamii, mas bellodagat ožžo vástidit guđege bellodaga linjá mielde sámiide ja eandalit sámenuoraide guoski gažaldagaide.

Seminára rabai Suoma sámedikki ságadoalli Klemetti Näkkäljärvi. Näkkäljärvi laktii iežas sáhkavuorustis ovdan buorin ovdamearkan váikkuhanvejolašvuodain nuoraid aktiivvalašvuoda sámeapolitihkas.

Sámedikki nuoraidráđi ságajođiheaddji Laura-Maija Niittyvuopio muitalii sáhkavuorustis nuoraid vejolašvuodain ja hástalusain váikkuhit iežaset áššiide. "Sámenuoraide lea bohciideamen vejolašvuolta váikkuhit sámenuoraid sajádahkii. Riikkaviidosat dán vejolašvuoda bohciideami galgá dorvvastit ekonomalaččat bissovaš čovdosiiguin ja resurssaiguin."

Panelaságastallamis ledje báikki alde Suoma Guovddáš (Suomen Keskusta) -bellodaga Simo Rundgren, Suoma Sosiálademokrátalaš Bellodaga Johanna Ojala-Niemelä, Suoma Ruottelaš álbmotbellodaga Astrid Thors, Kansallinen Kokoomus -bellodaga Heikki Autto ja Ruoná Lihtu Outi Alanko-Kahiluoto. Panelas erenomážit áigeuovdilis áššin badjánii ILO 169-soahpamuš, ja dasa ovdan boahán guokte sierralágan oainnu sámenuoraid iežaset gažaldagaide. RKP ja Ruoná lihtu ovddasteaddjit dajaiga bellodagaid linnján doarjut nannosit ILO 169-soahpamuša ratifiserema. Suoma Guovddáš -bellodaga, Kansallinen Kokoomus bellodaga ja SDP ovddasteaddjit dadje bellodagaid oaidnun, ahte ILO-169-soahpamuša ii dál leat vejolaš ratifiseret, dasgo bellodagat gáibidit detáljaid dárkilut geahčadeami, ee. sápmelašmeroštallamis ja eanariektegažaldagain. RKP ovddasteaddji Thors lei heahkastuvvan eará ráđđehusbellodagaid (Kok, SDP) negatiiva oainnus, dasgo dán ráđđehusbaji ráđđehusprográmmas lea oaivil ratifiseret gažaldatvuloš soahpamuša.

Semináras Suoma sámenuoraid ságajođiheaddji Tuomas Aslak Juuso deattuhii ON:a eamiálbmogiid vuoigatvuodaid julggaštusa mearkašumi oppa sáme kultuvrra ja –giela ovddideamis ja oktan guovddáš áššin ILO 169-soahpamuša ratifiserenproseassas. "ON:a eamiálbmogiid vuoigatvuodaid julggaštus ja ILO 169-soahpamuš sulastahttet sisdoaluset dáfus sakka nuppiideaset. Suopma lea mu mielas nannosit čatnasan ON:a eamiálbmogiid vuoigatvuodaid julggaštussii sihke dan sierra artihkkaliidda ja dan galggašii váldit vuhtii ILO 169-soahpamuša ratifiserenproseassas."

Semináras nuorra sápmelaččat bukte ovdan sáme kultuvrii guoski hástalusaid, muhto goit guđege nuora ságas vuhtui luohtámuš boahttevuhtii!

Lassediehtu:

Sámediggi Nuoraidráđđi, ságajođiheaddji Laura-Maija Niittyvuopio tel. 040 846 3053

šleađgapoasta: laura.niittyvuopio@gmail.com

Suoma Sámi Nuorat Ro, ságajođiheaddji Tuomas Aslak Juuso tel. 044 253 6426

šleađgapoasta: tajuuso@hotmail.com